

1384/33  
1384  
259

COLENDISSIMO ECCLESIAE PRINCIPI,  
EXCELLENTISSIMO,  
AC  
REVERENDISSIMO DOMINO,  
DOMINO  
LAURENTIO DE LANCASTRO,  
REGIAE MAJESTATIS A CONSILIIS,  
AMABILISSIMO ELVENSI  
DIOECESIS EPISCOPO,  
ELECTO NUNC  
AD LEIRIENSEM ECCLESIAM PRAESULI,  
POST ANNULI OSCULUM  
GRATULATUR MINIMUS CLIENS  
P. EMMANUEL PEREIRA REGO.

**Q**UOD juvat, & fas est; absenti gratulor absens:

Addatur culpis ne nova culpa meis.

Præful es; atque alia Præful veneraberis urbe;

Cui bonus, & prudens optima jura dabis.

Non fatis æqua tuis meritis est una tiara:

Grexque tuæ curæ non fatis unus erat.

Hinc semel, ac iterum Tibi dat sua præmia Roma:

Teque bis exornat Præfulis altus apex.

Sed Deus omnipotens in Te si nostra secundet

Vota, Tibi meritis si quoque detur honor,

Te Regum Sobolem rubro teget orbe galerus:

Atque tuum cinget trina tiara caput.

Dignus es, ut Petri sedeas in sede suprema;

Postque Pium Sextum ter pius Ipse regas.

Præmia digna dabit Tibi sic Roma inclyta: & ultra

Nil, quod eam possas, quod dare possit, erit.

Oh quàm virtutum nos læta ad pascua duces!

Tartareus rabido quàm fremet ore leo!

Ad



Ad baculi nutum nimis horridus ille timebit:  
Rugiet impatiens: sed feret aura sonos.  
Pabula mandat ovis, mala quin ferus inferat hostis:  
Liber ab insidiis quilibet agnus erit.  
Hæc, precor, eveniant: precor, hæc fors aurea firmet:  
Nestoris & felix sit Tibi vita, falus.

EXCELLENTISSIMO,  
A C  
REVERENDISSIMO DOMINO

EPIGRAMMA.

**F**Ulit in Elvensi tua jam prudentia tractu:  
Et tua ditavit Regia dextrâ gregem.  
Nunc fas est, alias locupletet dextera gentes:  
Atque aliis Præful des documenta viris.  
Sic postquam multo ditat nos lumine Titan,  
Lumina diversis dat sua clara plagis.

EXCELLENTISSIMO,  
A C  
REVERENDISSIMO PRÆSULE  
ABEUNTE,  
ADELVENSES CIVES  
CARMEN.

**E**Loquar? an fileam? dolor hoc, amor imperat illud:  
Eloquar; atque dolor cedat nunc victus amori.  
Flebilibus nimum suspiria mixta querelis  
Elvenses fundant Cives: dolor intimus illos  
Urgeat; internum fateantur & ora dolorem.  
Inde notent templo, vario quod marmore fulget,  
Digna Cedro, digna ære notari emblemate multo  
Præfulis acta sui, & mansurum in sæcula nomen.  
Errorum grande exitium, morumque magister,

Chri-



Christiâdum columen, totius terror Averni,  
 Leiriæ ad celebres properat Laurentius oras  
 Docturus pueros alios, aliosque clientes  
 Prima rudimenta, & Divinæ dogmata legis.  
 Magnus Atlas Fidei nostræ nunc Ille secundum  
 Fert vigilis Pastoris onus: neque pondere primo  
 Flectitur: at recipit vires à pondere: & omni  
 Orbe animus Sibi major inest: constantia major.  
 Ille quidem innumeras Christi ad præsepia ducet  
 Pastor oves: & mille humeris, colloque reponet.  
 Innumeras etiam cœlesti Chrismate gentes  
 Firmabit, moresque dabit, melioraque tradet  
 Jura, catenatoque gemet pessundata collo  
 Vana superstitione: Fidei documenta sonabunt  
 Per templa, & plateas, per & oppida cuncta: recedent  
 Errorum densæ, posita caligine, nubes.  
 Fraus, furor, ira, Venus, vitiorumque agmina fœda  
 Adstrictis nodis tenebrofi in carceris umbra  
 Triste canent carmen: ponent pharetrata venenum  
 Tela, Cupidinea semper manantia succo.  
 Posthabito cœli rutilantis pondere, solùm  
 Invidet huic Atlas oneri: licet ille sinistrum,  
 Vel dextrum mutare latus consuescat, & ipso  
 Pressus ab orbe gemat, non Te, Lancastræ, gravabit  
 Illud onus: validum poterit neque flectere collum.  
 Non gemitum, aut lacrymas fundis: sed amantia pandis  
 Brachia, Tartareas debellatura phalanges.  
 Tota tuis humeris non est par machina mundi.  
 Vive diu, o Lysiæ magnum decus: hîc ego dulcem  
 Invitus suspendo chelim: Te fida clientum  
 Turba colat, mare laudet, amet polus, orbis adoret.



